



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1729. usque ad annum 1731

**Fleury, Claude**

**August. Vind. [u.a.], 1785**

**VD18 13322648**

§. 36. Joannis Baptistæ Cardinalis de Salerno decessus.

---

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

præstans e privata sua Bibliotheca literarios fructus colligere, ac eruditorum consortio frui posset, plura etiam antiqua numismata, admodum rara ac selectiora habebat, quæ ex Jerosolyma aliisque Orientis urbibus, quas difficillimis itineribus inviserat, magno studio conquisivit: Demum ætate, curis, ac morbis confectus die decima octava Januarii anno ætatis septuagesimo quinto & sui Cardinalatus secundo, decessit, sepultus in ipsa Ecclesia S. Bartholomæi in Insula. Præter libros jam recensitos evulgavit etiam dubia selecta de Confessario sollicitante, Historiam Polemicam schismatis Græcorum Vol. IV. & tractatum dogmatico - moralem de Jejunio.

Sæc. XVIII.  
A. C. 1729.

§. XXXVI.

*Joannis Baptistæ Cardinalis de Salerno decessus.*

Ejusdem Mensis die trigesima Joannes Baptista Salernus, Cosentinus vivere desiit. Hic nobilibus Parentibus Dominico, & Cæcilia Connestabili Ciaccia natus, pietatis & literarum tyrocinnium in patria posuit. Adulescens non sine suorum oppositione Societatem ingressus, ut ad altiores Disciplinas gradum faceret, Romam mis-

Sæc. XVIII. missus est, ubi Ptolomeo institutore  
 A. C. 1729. usus, Theologiæ non sine maximo pro-  
 fectu incubuit. Jam tum a Clemente  
 XI. ejusque Nepote tanti habebatur,  
 ut Episcoporum Examinator electus,  
 eundem Nepotem Annibalem Alba-  
 num in Germaniam ad Principum  
 Congressum comitari juberetur: Tanta  
 autem sedulitate hoc munus obibat Sa-  
 lernus, ut denuo itineris ac laborum  
 socius eidem Annibali in Sarmatiam  
 usque adjungeretur, ubi etiam Apo-  
 stolicæ Sedis auctoritatem strenue de-  
 fendit, Religionem, atque Ecclesiæ  
 disciplinam egregie promovit, & Dia-  
 ceses ob Antistitum absentiam, & Pa-  
 storum desidiâ laborantes, restituit  
 inibi indefessis Dominicæ Vineæ Cul-  
 toribus, ac restaurata morum puritate  
 ad pristinum splendorem reduxit. Præ-  
 terea Augusto II. Poloniæ Regi non  
 modo Auctor exstitit, ut Fridericum  
 Augustum Filium suum natu majorem  
 Catholico Moderatori instituendum,  
 sed etiam in fide Catholica erudiendum  
 traderet. Hoc igitur Romanæ Eccle-  
 siæ reconciliato Salernus omnem ad-  
 hibuit conatum, ut Neo-conversio nu-  
 ptix cum quadam Catholica Principe  
 conciliarentur. Eo fine Viennam pro-  
 fectus, rem cum Carolo VI. Impera-  
 tore tam feliciter promovit, ut juveni  
 huic

huic Principi pietissima Josephi I. Filia natus major faustissimo jungeretur  
 Sæc. XVIII.  
 A. C. 1729.

connubio: inde in Poloniam reversus, Anno 1719. die 29. Novembris a Clemente XI. Romanam Purpuram obtulit, unde Romam venire intentus, die decima quarta Julii solemnibus pompis Urbem ingressus est, atque in gratitudinis signum Pontifici, Theresiæ Albanæ, & Albanio Cardinali admodum pretiosa obtulit dona, vicissim vero a Poloniæ Rege sexaginta aureorum millibus & annuo decem millium proventu, necnon a summo Pontifice tot pinquibus augebatur Sacerdotiis, ut quotannis inde quadraginta ferme scutorum millia reciperet. Interfuit Sacris comitiis pro electione tam Innocentii XIII. quam Benedicti XIII. in quibus Cardinalem Pauluccium Societati apprimè addictum toto, irrito tamen studio ad D. Petri Cathedram evehi adlaborabat. Postea Viennam profectus, ibidem, quo consilio incognitum, aliquamdiu hæsit, & Christianum Ulricum Würtembergæ Ducem in Romanæ Ecclesiæ Gremium recepit, simulque solemnibus Cæsaris atque Imperatricis inaugurationibus Pragæ interfuit: Postea a Benedicto XIII. ad Lateranense Concilium Romam revocatus, persuadere nitebatur, ut illud pro Oecumene-

Sæc. XVIII.

A. C. 1729.

cūmenico haberetur: at ipso Papa de-  
clarante, illud duntaxat Provinciale  
esse Synodum, saltem gravibus ratio-  
num momentis obtinuit, ut in Sessio-  
ne, in qua de Constitutione *Unigenitæ*  
decernebatur, his verbis: *debita obedi-*  
*entia*, adhuc verbum: *omnimoda ad-*  
*deretur*. Ceterum amplis divitiis au-  
ctus, nec pauperum, nec propriæ suæ  
commoditatis obliviscebatur, sed in  
agro Tyburtino, ubi autumnali tempore  
rusticabatur, splendidam sibi villam  
ab imo magnis sumptibus extruxerat.  
Hoc fuit illi vitæ genus usque ad an-  
num 1729. quo annos natus ferme quin-  
quaginta novem obiit, sepultus in Ec-  
clesia S. Ignatii.

## §. XXXVII.

*Gregorii Selleri Cardinalis extrema.*

Postremus ex Purpuratis, qui hoc  
anno mortalitatem exuerunt, erat  
Gregorius Selleri Perusinus. Hic hu-  
milibus quidem Parentibus in oppido  
Panicole natus, in omni tamen virtu-  
tum genere educatus, maximam de se  
spem fecerat. Juvenis adhuc Ordinis  
Prædicatorum institutum amplexatus,  
expleto probationis anno sese Deo so-  
lemni votorum sponsione devovit: Phi-  
losophicis disciplinis admotus, fervido  
suo